

歸去來集



歸去來集序

或問孫石亭者何許人也是集

何謂歸去來也曰予乃嘉慶左

相托文定公之刁閻耳其祖籍

奉天開原人流寓燕京乾隆間

曾設頂帶生理今之隆福寺啟

盛及棋盤街啟盛皆為先人首

創之字號後因家貧全售於他

人予幼時庸愚無知讀書未能

進步青雲有志白屋無基因念



爲人在世皆謀食以養生正所謂養家千般道路各別予囊空如洗身愧無能寥寥落落小就依人亦忘乎榮辱之分別隨寄跡侯門托相府中派司堂務來去三十餘年中有長安之顛沛七載流離後于己亥歲蒙桂公推荐蓉垣大帥去蜀二載又從赴吉林年餘時道光癸卯予年已花甲之三少知命理預悉乙

已年當有歸期擬以乞假回家
靜居林下緣自己丑歲流離顛
沛記詞誌歌直至于茲錄訂成
集感夫歸去重來來去因果而
摘此三字以見鄙意所不計乎
工拙聊博後賢同道者一噓耳
即以為序云

道光歲次癸卯初秋雲門外史
題於長白軍署



歸去來集目錄

書懷七律一首

被訛七律一首

聽審七律一首

入禁七律一首

獄中七律一首

出獄七律一首

賞書七律一首

起程七律絕句各一首

過保定府七律一首

核桃園尖七律一首

平定州七律一首

借駟馬絕句一首

過四天門七律一首

途中卽事絕句一首

注蒲州府七律一首

渡黃河七律一首

歸去來集

目錄

過潼關七律一首

抵長安七律一首

派西倉七律一首

担虛名七律一首

戍居四韻十六句一首

聞京報七律一首

冀珠還七律一首

寄京信內子感懷七律一首

望家信有感五律一首

庚寅上巳日接家信絕句一首

兄妹相逢五律一首

妹子答和五律一首

喜聚慘別七律一首

友人勵堂送筆七律一首

答和原韻七律一首

振之索筆絕句一首

振之璧筆絕句二首

答還振之原韻一首

振之答謝絕句一首

賀振之補典簽絕句一首

振之答和絕句一首

答和振之絕句一首

郭華圃招飲邀遊郊景羣首

友人勵堂贈四時西倉樂四首

撫標中軍慶綿齋酒律二首

答和綿齋七律二首

綿齋送梅花茶七律三首

答和梅花茶七律一首

西倉卽景五律一首

賀綿齋題升絕句一首

綿齋答和絕句一首

贈綿齋絕句二首

綿齋答和絕句二首

暮秋感懷七律一首

接長公住湯泉七律一首

書底事七律一首

歸去來集

目錄

二

沐新恩七律一首

述旅况七律一首

誌平居七律一首

庚寅歲暮五律一首

誠壞字七律二首

誠讒言七律二首

誠濫交七律二首

感良朋西江月一首

紀上恩七律一首

西門外郊遊五言六韻一首

友人送荷花五律一首

贈允菴先生八分書七律一首

誠勵堂莫與爭七律一首

勵堂答和七律一首

答和勵堂原韻二首

允菴先生寫咏竹疊句一首

咏人疊句一首

咏世疊句二首

張子儀先生咏龍疊句一首 西安鐘樓迴文絕句一首

張子儀先生迴文四十字 出浴詞一首

辛卯歲文闈七律一首 綿齋先生文闈七律二首

穆蕙坡五言八韻一首 答和蕙坡五言八韻一首

穆蕙坡五七言韻三首 答和蕙坡五七言律三首

友人薛雨生贈余七律一首 辛卯重九日七律一首

壬辰清明日七律一首 聞京信少主母故七律一首

壬辰六月十日西接長公七律一首 送潼關七律一首

壬辰六月二十九遇赦七律一首 于役金城西江月一首

歸去來集

目錄

三

謁關帝廟七律一首 過車道嶺七律一首

甘肅省中秋望月絕句二首 河灘滙園七律一首

過六盤山七律一首 差竣還長安七律一首

友人心梧贈余五律二首 雲亭先生索余篆書絕句二首

答和雲亭絕句二首 步雲亭觀山堂五言八韻一首

穆蕙坡贈余七律二首 斷腸思七律一首

憶家園七律一首 無聊卽事四言十四韻一首

奉恩書七律一首 喜歸里七律一首

戀友誼七律一首 整行裝七律一首

先還里七律一首

辭長安七律一首

別諸友七律一首絕句二首

回程浪淘沙一闕

綿齋先生送別七律二首

起程清江引一闕

登駙路七律一首

入都門七律一首

紀雲情七律一首

述歸計七律一首

志林泉七律一首

歸來感七律一首

出京拜墓七律一首

缺嗣憾七律一首

赴津門七律一首

育黎堂七律一首

贈穆蕙坡七律一首

蕙坡答和七律二首

歸去來集

目錄

四

冬月二十一日降雪七律一首

二十三日落馬七律一首

養傷七律一首

自嘆五言十韻二首

接家信七律一首

癸巳臘月二十六立春七律一首

除夕日乞假五言韻一首

甲午元宵節七律一首

全愈出門七律一首

回家調寄江城子

述形踪七律一首

接新任七律一首

城旦津門賦十二句

守晨昏七律一首

任危安七律一首

暑夜苦蚊七律一首

憎白蛉七律一首

設帳得安七律一首

中秋不寐七律一首

賞月絕句二首

聞恩詔絕句一首

甲午重陽日調寄江城子

待資無聊調寄江城子

詔苛逢迎七律四首絕句一首

辭窮神調寄漁家傲顛倒韻

逐窮神上樹五律一首

津門無聊絕句二首

接家信無赦調寄臨江仙一闕

請假就醫調寄浪淘沙

感調津門恨一首

恩詔無赦迴文絕句一首

冬月二十三感調月中行

臘八日絕句一首

誌津門友誼七律一首

火會竹枝詞四首

黑牛城村古跡七律一首

歸去來集

目錄

五

芥園和尚送花調寄相見歡

咏水仙花迴文句一首

乙未新春無聊五絕二首

報恩赦迴文絕句一首

新正痛感七律一首

復悲短章二十四韻一首

二月二十四回家感調相見歡

情懷不禁七律一首

三月三日感懷五律一首

天后會調寄滿江紅一闕

首夏多風五律一首

乙未端陽調寄黃鸞兒

五月十二日回家迴文句一首

中元盂蘭會七律一首

中秋節西江月一首

玩菊有感七律一首

九日登高七律一首

小陽九日友人驀訪調寄相見歡

萬壽月感懷五律一首 十九日接家信調寄相見歡

聞舊主仙逝七律一首 奔喪進京痛調蝶戀花

得幸恩門格外恩律一首 辭羣黎七絕一首

別津歸里五絕一首 還家歌

駐馬歌 重赴津門長公賜柬七律一首

程步雲贈和七律一首 玉成關上七絕一首

無聊卽事五言六韻一首 津關奢態偶吟七律一首

楊楚帆贈和七律一首 馬希堂先生贈七律二首

次希堂先生韻七律一首 希堂贈五律一首

歸去來集

目錄

六

希堂先生五言六韻一首 步希堂之題五言六韻一首

谿西鷄齊啼五七律三首 宋瀛洲仙逝痛感七律一首

情懷不止復調西笥一首 回津感七絕一首

交諭回家感調月中行 遞呈留養調寄清江引

文行到津感調太平時 別友還家感調蝶戀花

回京進朝陽關調寄阮郎歸 六月二十七到家調寄相見歡

減釋關文到手暢調醉太平 燕京八景五絕八首

入宅當差感調蝶戀花 薦四川將軍感調月中行

赴川過陝沿途七絕八首 九月二十四自陝起身七律一首

赴川沿途七絕六首

十月七到蜀調寄西江月一首

蓉垣師府玉堂賞賚七絕五首

慰主人廢寢忘飧西江月四首

主人調任吉林唱寄清江引

自川起身赴京調寄太平時

路過廣元石燕詩五律一首

壬午冬月三日到京調寄既歸

臘月三日自京赴森吾韻首

正月十八到吉林任事五律一首

二月三日起連朝大雪吾韻首

吉林風俗偶調滿江紅一闕

張子儀先生贈七絕六首

張子儀占開江卽景迴文四十字

子儀題讚迴文四言連環四首

步子儀子先生連環讚四首

長白風景歌一調

閩記吉林女客長短謠一闕

歸去來集

目錄

七

射鵠西江月一首

楊妃妙舞七律一首

撲蝶七律一首

踢球七律一首

燒香七律一首

風箏七律一首

雪彌勒七律一首

雪獅子七律一首

水仙花迴文絕句一首

子儀先生迴文水仙句一首

答和子儀迴文句一首

冬至迴文絕句一首

占法門迴文絕句一首

讚香泉和尚畫驢迴文句一首

子儀先生接麻迴文句一首

子儀先生迴文五七絕各一首

古絕對六聯

二十三年五月二十三吉林回祿歌一闕

歸去來集

道光己丑雲門外史遷謫長安成行詩冊

薊門 孫慶蘭 石亭

書懷

漫把行藏問是非。多年勤苦在黃扉。端揆有意裁青使。
鬼蜮無端聽綠衣。皂白難分身寄獄。章書先上達宮闈。
于今落得邊庭戍。惟待恩門雨露歸。

余相依 托相二十四年。惟有小心勤慎。公私不敢
少有自誤。因被小人訛詐。以致構訟。冤乎以訛詐之
虛情。反被所算。亦綠衣郎暗唆之故。中堂不問清
白。寄獄具奏。實因避嫌。是以命下之日。竟戍長安自

歸去來集

係命舛所致。因
賦此以嘆之。

被訛

己丑清和補舊房。梓人斜起惡心腸。誰知巧被含砂射。
不料橫招吠影殃。其子送坊奸畢發。伊親攔轎舌饒長。
中堂恐有欺人勢。達部煩交上奏章。

己丑四月間。因自己家中。折蓋房屋。被工人所訛。除
耗費外。仍訛索錢一千四百吊之多。因遣人抱告。官
估償價。以服其心。伊知被告欲尋毆鬧。是以押坊。不
料有小人暗唆工人之父。在中堂轎前呈稟。訴以
仗勢欺人。鎖押伊子。是
以中堂奏交刑部。

聽審

王章令下至庭前。起衅根由問確全。折獄能知情是幻。
憐冤乃辨部多賢。朱門若許咸回護。相國依然獨避愆。
更復深疑情勢重。西安遣戍淚連連。

審訊情由實係訛詐。堂上老翁調坊估料分文。不會
找出方顯訛詐是真。堂上各司均爲求情。中堂自
避嫌疑。又因人情太重。顯係仗勢欺人。
是以奏請遣戍。均不能爲之援手耳。

入禁

己丑端陽入禁圍。王章凜凜未能歸。深蒙露覆枯魚潤。
幾見風高弱馬肥。小草向榮知灌溉。慈雲垂蔭鑒幽微。
啣環意切情難盡。感舊心堅志不違。

歸去來集

二

余在府二十四年。凡一切大小事件。皆効奔走。因被
小人陷害。在獄三十天。府中
獄賞賜多至百金以外。惟有
泥首泣受。因賦此以誌之。

獄中

半生依附顯侯門。泣罪方知獄吏尊。冷冷棘圍風慘暗。
陰陰縲縷月黃昏。悲聲悼歎寒心骨。怨氣糾纏繞夢魂。
寄語世間失意者。含冤總莫向人論。

五月二十一日。因在獄中悶坐。無聊憫視
諸同罪犯。不堪縲縷之苦。因賦此以哀之。

出獄

撥開雲霧見青天。狂狷回思一夢牽。數十旬來君慰問。

三千里去我誰憐。猿啼隴樹，因朝露，鶴唳燕山，咽晚烟。
愧領雲情，難以報。三生石上說前緣。

五月初九日進監。六月初十日出獄。在獄中三十天。
蒙各官各友，格外關情，垂照無如。中堂奏請遣戍，
均不能爲之援手。是以愧領雲情，再當圖報。因賦此以感之。

賞書

意外風波幸出圍。長公賜柬預防非。鴻音直透雄關外。
虎幄先容成卒依。破格慈恩施故僕。啣環弱息侍征騑。
涓埃意切情難盡。感愧還期雨露歸。

中堂長公賞給與西安將軍撫台信二封，恩
施格外，雖結草啣環，焉能答報於萬一耳。

歸去來集

三

起程

王章令下出京華。挈眷西來那是家。冀北風清辭塞雁。
江南雨後數昏鴉。人情冷眼真如許。氣誼柔腸幸未差。
送我陽關難忍去。銜杯不語醉流霞。

長亭親友淚成行。握手傾心欲斷腸。寄語都中人再問。
故園從此路茫茫。

余於六月二十一日攜眷口出京。諸親友送至
長新店。次日洒淚送別。已知無回京之望矣。

過保定府

驛路蒼茫夕照明。輪蹄緩緩去神京。白砂堆外窺殘寺。

黃葉林邊認旅程。荒店大都難寓客。野村多半不知名。
關山迢遞殮風露。檢點征裝日早行。

七月二十六日至保定府親友留宿餞別，
並托有沿途人情關照，一路毫無苦累。

核桃園尖

核桃園徑路難行。險要崎嶇舊有聲。石子小如房屋大。
山峯亂似箭柴橫。人行蹀躞身腰倦。車覆艱難脊屬驚。
鎮日緣何多負累。爲從驛路問郵程。

七月初四日至核桃園尖路徑難行，
亂石崎嶇車覆人乏書此以誌苦累。

初六日至平定州

歸去來集

四

首站山西平定州。到來誰料福星酬。分甘推食頻頻問。
脩轡傳騎款款周。只恐行囊多累綴。倍添駝馱好攸游。
此情不曉從何至。爲怯途程暫免愁。

州署顧春芳大老爺送菜賜食遣人張羅預脩馱馬
小轎等並傳途次接連照應第恐招禍又懼途路難
行暫借此以免苦累是以驛行公館
四日後乃呈交駟馬馱轎緩路西行

暫騎馱馬兩三朝。公館崢嶸舖啜饒。雖免艱辛還避禍。
呈交馱馬路逍遙。

過四天門

雞聲月色露清華。斗柄懸江日漸斜。直到天門高最頂。

迴環鳥道曲還又。橫山走馬輪偏誤。白水連村路卻差。
所幸沿途無約束。燕秦晉省未臨衙。

人情關照二省州縣均未經進署。然山路崎嶇。過
四天門韓侯嶺。覆車遇雨多少險阻。書以誌艱。

夫妻嶺上最嗟峨。韓侯山前換軸過。一帶遺踪豁眼界。
匆匆緩路慢吟哦。

二十五日住蒲州府

迢遞關山至蒲州。喜逢髣髴舊同遊。黃堂惠贈情多厚。
舊雨栽培義倍優。醉我朱顏謝不盡。感君青眼語難休。
臨行送別郭交外。洒淚頻頻兩戀留。

歸去來集

五

余到蒲州府喜逢君佐藍五兄係暑年舊好在署總
理門政太守廷愷八老爺上下相贈諸友留宿次早
洒淚作別誌
之以述友誼。

七月二十七日渡黃河

漠漠陰濃聽棹歌。行旌今日駐黃河。馬嘶石堰驚濤險。
人立沙隄喚渡多。怒浪橫衝雙岸去。好風穩把一帆拖。
觀茲濁水無窮處。萬頃長波轉眼過。

過潼關

黃河穩渡過平寧。咫尺潼關錦幃屏。浩瀚流沙接天際。
嗟峨疊翠倚山形。重門險要雄關固。隘口深巖峙岳停。

我到秦城增壯志。振衣不怨戍邊庭。

抵長安

長安始至任西東。底事匆匆歎厥躬。勝友重逢多舊雨。
快人相見盡春風。尋鄰卜舍居方定。擇木栖枝事漸通。
自是朱門閒白晝。常垂青眼注三公。

余於八月初一日到長安投信後犬小衙門上下親友無不親熟蒙將軍撫台公薦糧道派在西倉自幸栖止有方耳。

到西倉

承膺奉命赴西倉。咫尺離家是故鄉。回憶繁華渾似夢。
歸去來集

六

堪憐髮鬢漸成霜。停征罷稅無多事。釋悶消愁藉一囊。
述到情懷難了恨。紛紛別緒九迴腸。

西安糧道尹上人派余西倉其年撫台已奏停征無事徒有虛名惟習字消煩而已因對景書以誌悶。

担虛名

說道西倉赫赫名。淒然一望水烟清。空聞寶穴誰曾取。
幾見前人滿載行。昔日例規將盡減。于今公道久全更。
深知命舛應逢此。日月從來有昃盈。

西安糧道天下馳名。初到時停征無事。一切所得之項全爲上提。自八月至年節分得大錢五千五百二十文。現今開征仍係一切歸公。俟到節下恩賞看來。光景益信時乖人難遇佳境也。

戊居無聊

相國貴顯勢拍天。天下官僚敬其廉。我曾荒徼隨來去。
勤苦奔馳念四年。忽然禍從築屋起。遠戍長安飄蓬矣。
危牆半支欲將歛。恩波層層到陝裏。沿途推情一路驚。
吾輩多有歎息聲。我藉長吟遣憂悶。平安一路詩吟成。
小詩難狀禍幾許。遺恨此身受囹圄。因何事理問青天。
試問青天天不語。

聞京報

青門百日朔風涼。底事縈懷悵故鄉。適閱邸抄魂莫待。
歸去來集

七

驚聞仙逝魄皆亾。全無掛念歸泉壤。只有悲哀祭草堂。
回憶昔年多少事。千愁萬緒對斜陽。

抵長安百日本外驚聞少主人恒齡內閣學士因疾於是年冬月初三日病故行年四十六歲悲痛之下形同落魄未報唧環空彈流水。惟有望北長嘆奈何。卽於是日供奉靈位以盡主僕之情。賦此以泣之。

冀珠還

半載天涯去故城。音書遙度雁南征。雙開倦眼空秦嶺。
百折愁腸悵帝京。渺渺前途迷漸遠。匆匆今世已平生。
重歸未審知何日。望斷燕山淚滿傾。

庚寅新正月廿六日。因寄家信。內子感懷一律。

以誌淒情。

空扶弱骨不堪眠。三十年來未息肩。弔胆提肝心已瘁。
損容瘦體眼將穿。情深姑嫂思還念。願重女兒憶且憐。
滿腹離懷難了恨。朝朝無語夢魂顛。

望家信有感

離踪念在茲。寒暑往來思。相去數千里。難忘十二時。未
傳黃耳至。盼望白雲遲。正是關懷處。誰驚雁字詩。

庚寅上巳日

接京信聞妹丈王樂亭攜眷自京到陝看觀不禁喜出意外

姑洗初三接好言。倏然喜色逐離煩。果能良晤團圓聚。
歸去來集

八

頓覺心頭快一番。

又聞女兒身子安。心中憐念更增酸。酸心白首何年見。
噫恐相逢似覺難。

四月初一日

王樂亭攜眷到來。兄妹相逢有感。

兄妹兩相投。分別無計留欣歡。方解憾聚散。又添愁對
酒酣如夢吟。詩興不浮。何當旋故里。離緒幾時休。

妹子感和原韻

手足兩心投。相逢不久留。慰懷添喜悅。憂悶緒離愁。對
坐神疑夢。談心意不浮。最難分手後。思念不能休。

喜聚慘別

星月何辭五夜寒。樂亭攜眷到西安。金珠遠貺情思切。
手足欣逢慘涕彈。數日分襟言不盡。幾番握手淚難乾。
魂消車馬匆匆去。暗祝歸期兩痛酸。

庚寅四月初一日。妹丈王樂亭自京攜眷到陝千里迢迢。至親久濶。並惠白金珠寶耿耿離懷。悲感交加。盤桓旬日。少釋衷腸。指日言旋。自不禁喜聚慘別之情耳。

友人廟堂送筆附詩

撫署印政

十卷毛錐重隴州。因兄得向夢湖求。精純可附生花塚。
健銳宜隣卽墨侯。風雨半天揮處落。龍蛇一片指間收。
贈君好畢凌雲賦。漫效鰈生早浪投。

歸去來集

九

答和原韻

惠得龍香染十州。又頒柔翰却難求。硯痕磨處青雲布。
筆勢沾來紫霧收。吏部曾爲毛穎傳。秦皇昔賜管城侯。
書時寄語酬君子。不倦臨池興自投。

友人振之索余大小筆

奉上參差筆五圓。臨池不倦衍波箋。能教大小隨心轉。
故把蒼毫獻座前。

振之璧筆和韻

毛錐精比意珠圓。壁少登多欲試箋。祇恐重逢蕭穎士。
三灾石共品窗前。

乞舊何勞賜與新。狼毫象口嵌青筠。因防虫蛀還雙管。
長者原情定不嗔。

答還原韻

贈君班管却憎新。底事無端棄竹筠。雲漢天章能運墨。
閒時一試自無嗔。

振之荅謝句

佩德何分舊與新。學書實愧縷青筠。重勞不敢頻頻壁。
歸去來集

十

愧領還因故友嗔。

賀振之補典籤

聞君已補典籤哉。不負掀江掞海才。寄語謙和休性癖。
臨淵最惹忌嫌來。

振之答和

同室操戈幾殆哉。解紛乏術悵菲才。居高未必能無墜。
龜勉當從雅教來。

答和振之韻

同室相爭豈可哉。各因傲氣悞其才。他鄉最喜頻頻忍。

故把謙和字送來

庚寅四月初六日

華園郭三兄在東門外鉄爐村安坐是日相招飲遊郊景

時值三春暮。爐村應召來。遠郊疑眼秀。沙蹟印龍堆。勝友排瓊宴。良朋共舉杯。芳華真悅目。暢飲折花回。

友人勵堂贈余西倉四時樂四首云

籌韻擲連報數聲。繳糧車子放縱橫。移來公座皆高橙。望去華麾盡布棚。滿地桃花香不掃。武陵不及西倉好。西倉之樂樂難尋。同事相和抵萬金。

紅樓雅繪較飛翬。觀德須從揖讓升。箭中得添圖六點。歸去來集

十一

弓強直透扎千層。窗外迎涼書帶草。羅浮不及西倉好。西倉之樂樂何如。綠滿平蕪夏不除。

滿徑菊花秋氣清。長空無翳雨初晴。棋敲樹下松花落。客飲筵前酒令行。隣叟約觀燈影早。梨園不及西倉好。

西倉之樂樂似仙。攜友同玩月正圓。飯罷開燈過飲時。沃心甘露俗難知。欣逢益友規無厭。不效覆車信有持。秘典奇詩同叅考。東觀不及西倉好。西倉之樂樂非常。雪後晴窗榻硬黃。

八月廿一日

撫標中軍綿齋慶長六老爺因余送洋酒正值伊腹泄謝贈二律云

賜來美酒斗十千。慚愧曾無詩百篇。照眼便能心愉快。
熱腸醫得病纏綿。沉酣尙怕壺中盡。揮洒應憐醉後顛。
多感清心情款曲。桂花香滿月華圓。
香醪真個賜貧官。想把前詩又細看。味異自緣來路遠。
名洋可識欲沾難。華池靈液虛堪補。灌頂醍醐胃不寒。
飲罷深承君意厚。枯腸從此漸能寬。

答和綿齋先生原韻

百果釀成價半千。那堪相羨入新篇。朱炎已退精神爽。
玉體中和情意綿。且趁興懷吟子美。何妨酣醉效僧顛。
歸去來集

三

勞君贈我珍珠句。不負清秋月正圓。
新得清醅奉上官。文章施到幾回看。驚心麗句含風雅。
駭目騷詞愧答難。陰雨淋漓日易逝。秋光在苒氣初寒。
請君莫爲采薪累。靜養天和心自寬。

越日綿齋先生遣人送梅花茶並詩

聞說酒費不盈千。雙首吟成絕妙篇。瓦礫初投原引玉。
珠璣報到竟推綿。高懷恬淡愁應少。佳句清新喜欲顛。
我愧無從趨渠獲。再依前韻欠方圓。

新詩傳遍滿城官。多少風人都要看。倚馬長才揮自易。

雕虫小技和皆難。芝蘭是契交仍淡。松栢同期歲不寒。
偶抱采薪勞玉趾。深情似比海還寬。
梅花色相本絕塵。茶比梅花味豈真。以自謫仙題麗句。
更疑蒙頂採陽春。益思明目功應有。瘠氣侵精飲怕頻。
愿似山僧服一兩。又除疾病又清神。

答和梅花茶原韻

紫茸採得淨無塵。分惠心蒙意最真。色淡還疑窗外月。
香幽不是眼前春。能調玉鼎流芳遠。再入金甌吐氣頻。
本草曾言茶性異。睡魔逐去長精神。

歸去來集

三

西倉卽景

日永渾無事。心閒得自由。眼前皆樂利。窗外亦清幽。衆
鳥時呼侶。官人曉唱籌。長安形勝地。不負此番遊。

九月聞綿齋將欲題陞賀以小詩

君已題陞真快哉。決江倒海挾天才。神龍變化風雲會。
穩步雍容近上台。

綿齋答和

羨君寧靜興佳哉。愧我勞人謫劣才。戀棧竟然同駑馬。
進堦難於上天台。

當卽拈筆覆和

捧讀佳章句絕塵。縱橫筆陣任天真。如君博雅誰堪侶。
不負叅戎闕外臣。

平生知己最難求。况復雲泥兩不侔。君竟渾忘朱紫貴。
何緣契重幾時休。

次日綿齋先生送和原韻

字句飄揚不染塵。好詩獨得性情真。君比倚馬才還捷。
愧他當途珥筆臣。

知己從來怕易求。炎涼世態豈相侔。迂拘似我蒙青眼。

歸去來集

十四

淡淡清流或不休。

暮秋感懷

半世浮沉意外憂。却驚歲月逝如流。西風何處非紅葉。
客路於今又暮秋。往事淒涼都是夢。平生懷抱動真愁。
東來驛使頻相訊。爲問京華似舊不。

住湯泉

庚寅九月廿八日東接中堂長公
在臨潼四日小住湯泉書誌名跡

初冬策馬到臨潼。爲謁欽差驛玉驄。公廡諸君留飲宿。
郵亭衆友盡和衷。閒瞻峻嶺南連北。行看溫泉西復東。
千古堪傳名勝跡。四時蒼翠接長空。

書底事

西安糧道尹上人在內年餘之久
兩袖清風亦不敢謂上恩之薄也

依栖玉樹正分光。忽值觀察卸任忙。只見新封帖。駭口
仍由舊治備兵糧。會沾慈雨何嘗報。復被春風又派倉。
此次連司前後事。難同知己話行藏。

沐新恩

庚寅冬月十四日新任程大人接印
蒙將軍推荐仍派在倉書以誌幸

又沐新恩到大倉。春風嘯拂壯行藏。蓮從沼出能標潔。
菊傍籬開不減香。伏櫪還期逢伯樂。迷津却莫遇慈航。
乘槎慢向天涯去。一路逍遙返故鄉。

述旅况

戍居關中往來公輔蓋熟識者多
皆沐矜憐之德亦旅居之幸事也

歸去來集

五

且趁閒身踏落花。長安小住暫成家。鄉書有便憑歸雁。
旅館無聊數暮鴉。冠蓋往還榮韋布。琴樽消遣潤桑麻。
舒懷此際天光好。多少紅雲護晚霞。

誌平居

寄居以來諸叨順適足
慰生平誌之以寫暢懷

矢勤矢慎度長年。遠戍蒙塵舊日邊。小住西倉無個事。
閒依北榻任遲眠。當時切慕清幽趣。近日偏逢淡泊緣。
勿藥孱軀符素願。兢兢守分樂安然。

庚寅歲暮除夕日

歲序復遷更。離情觸景生。詩堪才子祭。酒憶故人傾。懶

寫宣春字。愁聞爆竹聲。長安羈戍地。又歷一新正。

誠壞字

此字加身萬古輕。鑽謀鎮日任橫行。國忠橫肆終唐戮。
魏武雄奸爲晉營。奇禍或邀生世免。餘殃還向子孫萌。
三生妙諦君知否。瓜豆常由所種成。
無端鬼蜮起波瀾。只道離鄉道路難。桂嶺自沾雲露潤。
夏虫不識雪霜寒。藏奸隱慝終凶報。蹈矩循規帶咲看。
順遇而安隨處好。浮烟那得月明寬。

誠讒言

歸去來集

六

難將事理問青天。不怪波瀾起偶然。只爲中途違進路。
多因一柱砥前川。明招忌妬遭冤陷。暗棄風塵學悟禪。
最恨如簧讒口謗。巫沉直欲到黃泉。
囁囁讒口不堪論。妄肆流言玉玷痕。似我痴愚緣性劣。
蒙蒼芷佑若珠圓。從來狡詐憑天禍。果是敦龐賴日暄。
寄語爲人存樸厚。已沉淵再莫加言。

誠濫交

當初惜未隱柴扉。慷慨疎金任意揮。不少逢迎舒素抱。
緣多趨附壯華暉。曾經涉淺遭污溺。幾許交深竟訣違。

自古盍簪須擇義。貪狼奸裔莫相依。

不怪交深罔始終。炎涼世態古今同。因逢事逆知心退。但見牆危衆力攻。履道本無常照月。乘船只有片帆風。

難酬志愿千秋在。泥爪紛紛一夢空。

感良朋調寄西江月

余自京到陝燕秦晉三省皆賴宋瀛洲仁兄大力感

而誌之

行藏到處憐惜。意外全賴無欺。解衣推食情義施。飲水思源銘誌。一路燕秦晉省。各署均未登司。不是瀛洲力扶持。隨遇而安未必。

歸去來集

七

紀上恩

糧道程大八林采

慢道西秦歲序新。拳拳幾載受恩身。何緣旭日揮光遠。所賴慈雲湛露頻。不負忠心滋夏雨。難忘義氣染秋塵。酬懷未克情無既。悚愧徒辜化育仁。

辛卯首夏西門外與友人郊遊尋訪舊跡

首夏正清和。休教好景過。西郊花自媚。南畝麥盈坡。村酒尋人買。羸驢招客馱。問禪開覺路。入室叅維摩。雁塔無羅漢。經堂有優婆。游芳訪舊治。古跡隋唐多。

院署友人時學王六兄送余荷花時值伏雨因

偶吟之
伏雨潤西倉。荷花分外香。楊妃含曉色。西子茜春妝。潔淨浮清艷。參差泛綠光。庭隅生媚意。爽氣入華堂。

贈允菴劉七先生八分書

書法權輿數八分。獨誇關內允菴君。斬丁截鉄眞枯老。雁尾蠶頭果逸羣。但見雲煙生滿紙。却疑神鬼助斯文。尙能授我金針譜。也得橫空掃一軍。

誠友人勵堂莫與人爭

雖然壞字萬人輕。謙退持躬莫與爭。罔使懷仇侵入骨。歸去來集

六

須防隱恨再生萌。唐朝名士沉河曲。漢代文人錮帝京。禁寺清流君記否。禍胎多爲筆招成。

勵堂答和

維今不易語清輕。好友憐吾勸莫爭。欲使疎狂無所累。能鋤鄙吝免重萌。彌衡搥鼓才猶悞。賈傅陳言事枉營。故把箴言銘座右。東虞尙冀補西成。

和勵堂原韻

慢道離鄉性命輕。循循持守莫相爭。平心較去無傾仄。唾面乾時斷孽萌。暴虎馮河徒冒險。挾山超海枉經營。

人情似水由來淡。素位而行自有成。
爲愛詩成意彩飛。貪吟雅句竟忘歸。三秋皓月揚輝遠。
一斛明珠入串肥。氣比春和隨處用。心同日皎不相違。
寄言欲語寧思默。萬事浮雲免是非。

咏竹疊句

允菴先生書

竹竹森寒。潔綠湘江頭。渭水曲。帷幔翠錦。戈茅蒼玉心。
虛異衆草。節勁踰凡木。化龍拔入仙陂。呼鳳律鳴神谷。
月娥巾帔靜。萬萬風女。笙竽清。箴箴林間。飲酒碎影搖。
鐫石上圍棋。輕陰覆局。屈大夫逐去。徒悅椒蘭。陶先生
歸去來集
九
歸來。但尋松菊。若論檀欒之操。無敵於君。欲圖瀟灑之
姿。莫賢於僕。

允菴先生

八分書咏竹疊句。余初讀之。句落沁。然後請教。方知余訪步之。以人咏疊

人。人性善。秉靈躬濟世。志凌雲。頡頏孔孟。旋轉乾坤。丰
標圖駿閣。聲價重鷄林。報國不遺餘力。循咳無忝所生。
惟大英雄能本色。是真名士自虛心。大智若愚。大巧若
拙。如鑑之空。如衡之平。峙岳停淵。李君之品。望光風霽
月。周子之胸襟。但求履厚。戴高無猜於僕。若論開來。繼

往有藉於君。

又步前式咏世疊句

世浮道廣。人周乾坤轉。日月流。聖賢紛降。英俊咸優。五行分造化。一律紀勳猷。本固民安恬恬。枝榮國泰悠悠。靖域齊邊甄武備。鹽梅變理藉文修。經商繁盛兮如雲布。技藝精巧兮似星稠。望庄田樂甘霖之沃壤。入城市喜奢態之盈眸。治臻乎無偏無黨。因德被。欽羨乎有物有則賴仁牀。

再步前式慨世疊句

歸去來集

三

世世繁華錦麗。古雍熙。今奢不樸風微兮。薄態興矣。經商恥盡疲。技藝羞無計。仕宦升沉如戲。黎庶俯仰失恃。歲序更移鄙吝施。韶光流逝淳貞止。君子道消寥寥落。小人道長比比靡靡。噫。庄田苦旱澇之迷離。步城市盡虛詐之相倚。論傾仄兮不出中庸定基。求隆盛兮還須上元復啓。

張子儀先生蘭陵人也

見余疊句亦不禁占之云耳

龍龍神妙。靈通鱗甲健。頭角豐。待時養晦。斂跡潛踪。陸沉原有數。變化自無窮。雖與蛟螭別類。却偕魚鼈同官。

曾似伯陽栖柱下。亦如諸葛臥隆中能屈能伸可大可。小見首見尾或西或東。宇宙橫飛爲國敷霖雨。雲霄直上溥海羨英雄。但得升斗相滋厄消螻蟻。便乃泥沙盡浣功立鴻蒙。

是未央樓
鐘樓
秋前
在
在
在

長安鐘樓係前漢未央宮斬韉信處。余偶占迴文絕句一首。鐘字起樓字止。

張子儀先生迴文四十字

木落聽蕭蕭。寒霜夜寂寥。拆猷深院靜。犬吠外城遙。獨歸去來集。

三

寐憐栖鶴。虛名歎續貂。樂尋雙蝶夢。栩栩自陶陶。

余見友人案頭有出浴詞喜錄之

衣腿自藏羞。似芙蓉映素秋。酥胸香潤蘭湯透。金蓮兩勾。玉山汗流。起來慢倚欄杆後。粉痕收。烏雲半。攬懶上晚粧樓。

辛卯歲文闈

陰雨數日
偶題之

陰雨連連數日前。龍闈散漫衆官員。求賢不賞中秋月。爲國渾忘萬壽筵。但使日華分五色。豈將月露棄連編。文光昨在關中射。定有魁元此處眠。

綿齋先生到舍見余詩稿在案次日增和二律

云爾

多少魚龍過眼前。提藍認號衆生員。詩書真有雲霞氣。
湯餅都爲翰墨筵。食葉春蠶聽下筆。朝陽鳴鳳早成編。
怪來我不衡文政。也自連宵不得眠。

羣英三輔滙堦前。揀點龍門我備員。士子都來問號字。
監臨也屢賜華筵。愧無冰鑑衡文筆。幸有題名射策編。
爲選真才防弊竇。多官那復得安眠。

穆蕙坡大弟自京信中寄云

歸去來集

三

憶昔傷離別。思君直到今。鸞箋來片玉。雁札抵千金。字
字恩情切。言言感慨深。不須和衆意。祇愿達天心。浮翳
終能散。前途莫細尋。虛中防叵測。舉步慎軀軀。領取安
貧樂。毋忘緘口箴。春風將有待。傾耳聽佳音。

答和蕙坡原韻

與君分手後。惆悵到而今。甫見梅含玉。又逢菊綻金。年
華原易謝。契結最難深。况值炎涼世。能存愷悌心。浮雲
如可散。舊雨喜相尋。涉淺曾遭溺。登高已懼嶺。真言開
覺路。蘭語奉良箴。再有歸鴻便。還期惠好音。

又接穆蕙坡信中寄和原韻外二律

燕書封寄後。洞湖到於今。露氣凝成玉。蟾光鑄作金。
年華雖易謝。別恨轉滋深。並躋寒暄世。同堅道義心。
秋雲眞已散。春雨果堪尋。抱樸何憂險。安真豈慮欽。
躊躇臨事路。檢點守規箴。幸有鴻踪便。頻頻領妙音。

三千里外報書來。藉把縈懷得暫開。雅什阮欽清似雪。
高標尤羨淨如梅。人遙夢邇期偏切。地遠情殷望未灰。
莫道伏龍今遜隱。明春傾聽上天雷。

美滿光陰本弗憂。那堪節序擲梭流。空山寂寂飄殘葉。

歸去來集

三

冷雁悠悠叫素秋。掠地涼風宜醒夢。親人明月可消愁。
意中久繫還相訊。麟趾呈祥見也不。

答和蕙坡原韻三首

新正接信後。喜舞到而今。句句猷如玉。篇篇綴似金。
寫來情更切。讀去感尤深。玉板流青盼。蘭言愜素心。
春風將有待。舊雨許重尋。涉淺曾遭溺。登高敢忘嶽。
南針明覺路。淵鑑守清箴。所幸孱軀健。平安報好音。

歲從己丑到西來。近把愁懷漸遣開。惟念頭顱皓如雪。
更憐髮鬢白同梅。人生望子心偏切。命注無兒意已灰。

養性存誠空色相。守株待命靜聽雷。

胸襟瀟洒自忘憂。任把時光遞嬗流。古往今來蠶食葉。功成名就雁鳴秋。霜鐘喚醒三生夢。杯酒澆消萬古愁。綺注殷拳期旣衍。命孤怎奈信全不。

友人雨生薛潤先生閱余詩稿贈和一律云爾

相府辛勤廿四年。風波陡起畫堂前。王章是凜何容訴。公子關心竟已仙。此日西京留翰墨。當時北闕助英賢。天恩如逮覆盆下。翹首依然五色邊。

辛卯重九日

歸去來集

三

入關已度兩重陽。今日重陽更亂腸。數十旬來陰鬱甚。百千里去淨泥長。遐遊未許登名地。好會云虛入靜鄉。秋雨淋漓煩悶煞。西風吹送筆花香。

壬辰清明日

戊居長安見祭掃征逐不禁
觸目傷情寫此以誌離嗟

清明鬼域正輕寒。睽隔秦燕祭掃難。客路三千因滯久。先坐四載未親看。豪思尙漬窮途淚。壯志誰堪晚照殘。雨露能催還故土。盤殮片楮也心安。

聞凶耗

底事連朝心緒忙。忽驚凶耗倍淒涼。恩深慈母歸泉壤。

成久家臣落異鄉。自有遺言憐故僕。徒傾痛淚斷愁腸。
啣還未克情無既。歎煞葵花儘向陽。

壬辰四月間。驚聞少主母恒太太。於三月初九日病故。憶昔受恩深重。仍望慈雨。催歸。憶葵花向陽之誠。徒令人痛斷肝腸耳。

壬辰六月十六日西接長公

六月炎威策馬西。直迎長武望雲霓。流華萬樹含朝露。
瀉錦長溪繞古堤。旗鼓堂煌歸旅整。山川肅靖邊齊。
將軍此日兵回境。頓惹羈禽思故栖。

送潼關

長公二十三日過省。住臨潼。送往潼關。但見凱歌歸里。不由人頓思舊事。誌之。

歸去來集

三五

以釋離嗟

依然差派上潼關。爲送欽差往復還。撲撲烟塵迷宇宙。
蕭蕭縱馬越關山。西戎拱悅唐虞政。北上論功衛霍班。
從此回疆烽盡斂。揚威歸覲動天顏。

壬辰六月二十九日

有部文到。陝因京都亢旱求雨。上諭察直省罪犯。

恩赦減筭。遇在其內。書以誌幸。

連年豐稔異鄉春。見說燕都早魃噴。稽古省躬求澤霈。
爲民祈命仰蒼仁。聖心尙恐恩難普。畿下先頒赦肆新。
波及棘人沾雨露。雞竿格外減吾身。

壬辰七月二十六于役金城調寄西江月

奉遣
甘肅

公務沿途跋
涉以誌艱險

誰道蘭州路坦。崎嶇不易行車。青嵐山高嶺多賒。王公
橋險曲折。長溪峭壁成道。荒涼缺少人家。艱難徑慣度
天涯。大雨橫山溼滑。

謁關帝廟

六盤山腰有關帝廟往來行
人無不瞻謁書此以誌名跡

來去前因事莫知。六盤山寺拽輪馳。入門未拜關公像。
放眼先看過客詩。聊歇奔蹄閒話久。因貪冷趣僕催遲。
老僧情亦慇懃甚。自取松柴煮紫芝。

歸去來集

三

車道嶺

車道嶺寬路徑漫。輪蹄蹀躞受艱難。岩腰稼穡層層種。
嶺背烟嵐密密盤。坡住人家齊向日。灣耕農圃半連巒。
奔行坡頂真遼闊。萬頃良田左右看。

壬辰甘肅省中秋望月

事畢蘭州望玉盤。誰堪雷雨賞偏難。劇憐客舍淒涼煞。
萬里今宵可否看。

霧瑣長空沒玉盤。行人欲見月光難。今宵明日蘭州望。
明月明年何處看。

金城有印田二兄誼篤金蘭耳傾已久余傾蓋訂交如舊相識越日招飲於北門外河灘滙園極主賓唱酬之樂卽席索紙書八分小橫一張藉以鳴謝其工拙不計也

滙水名園第一遊。相招雅值桂花秋。樓臺古寺雲端現。村落長橋驛路悠。青嶺重重烟密瑣。黃河滾滾浪分投。苔岑契篤情何厚。欲報慚將拙句留。

過六盤山是日風雨

瘴氣烟嵐瑣六盤。輪蹄直上力孤單。層巒峭潤凝眸秀。峻嶺泥淖放步難。風雨瀟瀟迎面落。雲龍翕翕倚山蟠。到來絕頂誰休息。萬壑千峯霧裏看。

九月初二日差竣還長安

蘭州事畢轉長安。陰雨淋漓過六盤。鎮日淄塵渾面目。連朝險境蕩心肝。輪蹄幾誤難登嶺。牛馬齊奔始渡灘。焉得秦皇鞭石法。隨山開路旅途寬。

友人心悟因閱余詩稿題贈五律二聯云

擇句情無限。揮毫淚滿睛。滄桑常有變。冤抑總能明。事到多含怨。人皆報不平。日升殘霧散。屈指算歸程。

皎月碧千里。蕭齋獨坐時。青燈對樽酒。注目讀君詩。陸
海雄瀾闊。雞林錦句奇。升堂慚我未。風雅是吾師。

雲亭先生索余篆書贈句云

晝夜無分伴石亭。相親日日似蘭馨。雖然未語交心話。
滿紙精神表義型。

如畫錐砂始見真。石亭筆意勝前人。靜觀字字龍蛇舞。
應手隨心妙入神。

荅和雲亭先生之韻

深愧吾兄羨石亭。相親氣味去留馨。學書未得銀鈎法。
歸去來集

贈句何勞獎義型。

籀跡何嘗覓得真。學真全賴仿前人。看來多少荒蕪處。
折矩周規不入神。

再步雲亭先生觀山堂之韻

係西安糧道署中園子

迴環圍翠繞。山水任西東。萬籟神清絕。千花影淡籠。最
憐蘭蕊靜。更喜竹枝叢。雨細莓苔紫。霜濃薜荔紅。朱欄
穿小徑。古栢接長空。納暑觀山上。乘涼步閣中。徘徊真
燕樂。俯仰似瀛蓬。你我雖非有。身遊也自同。

接穆蕙坡京信贈余二律有云

駟路三千尺素通。新詩辱荷寄郵筒。回思往事公羸我。暗度年華我勝公。從古最難行直道。依人尤忌具高風。燕山渭水遙相映。多少牢騷在此中。

游踪天與滯關中。爲助詩人大雅風。五載工夫追杜老。一番磨折效愚公。多經情景開襟抱。收得山川入句筒。畢竟歸來無罣碍。林泉樂志任窮通。

斷腸思

嗟余五載戍秦城。內子相隨淚永盈。每惹風塵添眉恨。難拋母女更心縈。夢逢子壻攜妻至。喜見姻孫挽弟行。歸去來集

完

幾許離懷魂憶處。空餘落月斷腸情。

憶家園

歲從己丑自離家。屈指長安不勝嗟。白髮無情侵老境。青雲有志誤天涯。涼風掠地前因徹。明月親人後路賒。最是情懷拋不去。何年得幸轉京華。

無聊卽是

年之癸巳。愁歎茂居。飄蓬幾載。消殘雪肌。望旋故里。鬢髮成絲。計恩有日。須怨運差。運卽曰噫。奚怨我爲。命與運也。各有其時。少不來運。莫俊何奇。老不來運。白髮嗟

咨且爾經過。運豈憚遲。比爾泛艇。偶遇風師。連朝努棹。日久力疲。風帆暫息。誰曰不宜。運神言訖。我亦無詞。披吟聽命。靜以待之。

奉恩書

五載離懷正未開。忽聞恩露自天來。爰書賚到西秦地。惠澤頻傳北極雷。雁信久勞羈客盼。鷄竿全賴戟門催。撚鬚大咲情痴甚。意是羅浮夢屢回。

癸巳端陽三日。忽遇恩書。滅徒還都收贖。省釋得遂首邱之愿。實爲夢想不到耳。

喜歸里

歸去來集

三

屈指年華屢易春。歸裝今喜別西秦。韶光不捨親疎客。雪印難忘彼此身。放眼輕塵皈法界。回頭亂絮逐征輪。乾坤一任如駒隙。抱樸匆匆返紫宸。

頻年守戍。一旦言旋。雖久客如歸。不忍遽去。然鱸肥。蓴美。未免有情。所謂洛陽雖好。不如家。古人已先得我心矣。

戀友誼

河橋風柳拂悠悠。客路苔岑氣味投。香火緣中多故舊。恩綸意外敢羈留。韶光欲捨難爲別。歧路將分幾度憂。情到忘懷詩骨沁。天涯人種一分愁。

自到關中既幸舊雨重逢又喜新盟廣締昕夕過從
貺我良多一旦遽賦離歌五中耿耿莫釋古人云交
到忘形欲別
難此之謂也

整行裝

欲將浣戍蕩瑕痕誰料廉訪不允存返徑束裝邀明月
歸途轉眼賦荒垣柝聲喚醒還家夢陌路初清逆旅魂
寄語回頭安樂處隨緣守分隱村門

欲將在配守徒以期蕩盡餘愆不料李
廉訪批駁是以束裝北上歸轉京華

先還里

駟路崎嶇攜眷難行是以先
著眷口由豫省回轉京都矣

因行官駟兩分車屈指難言道路賒客路三千叨樾蔭

歸去來集

三

家園一旦似曇花若將昔日同今比總覺他鄉與故差
爲計歸程囑內子先攜幼女轉京華

辭長安

長安古名勝地今別去不知何
日重來惟在故鄉引領遙望耳

長安勝地本堪遊四扇雄關浸碧流落雁峯前通帝座
建章台下繞瀛洲南山寂寂蒼松老北寺蕭蕭綠竹幽
此別何時重印爪故鄉遙望路悠悠

別諸友

癸巳重陽日自吹起身還都諸友
餞別終日不絕是日酒淚作別

滿腹離情鬱不開緣深香火兩徘徊遙羈客路三千里
總賴苔岑一力培握手登程心似醉縈懷別緒憾何灰

衷腸此際傾難盡。顧戀時時馬上回。

諸君留客意何優。自是苔岑氣味投。有酒登樓今日醉。明朝相望路悠悠。

唱罷驪歌日未斜。雲麾仙客泛靈槎。秋風相送人千里。明月還隨我到家。

調寄浪陶沙

雨露自天傾。催我回程。快胸懷兮寂寞。一時清。乘槎好遊天邊境。慢轉神京。

臨溪慶長六老爺在陝撫院中軍叅將臨行贈

歸去來集

三

別二律云

聞君即日賦刀環。喜極不覺淚欲潸。敢說情深比渭水。直將高品看華山。五年客况揮銀管。一路秋光映玉顏。此去前程猶遠大。莫灰壯志要安閒。

五載何曾共酒卮。此中氣味有誰知。不須刻意情偏厚。只是尋常交亦奇。契似芝蘭吾輩重。心同松柏古人期。從今分手自茲去。落月屋樑無限思。

調寄清江引

速整行裝返故廬。胸懷睂目全舒。沿途風雨宿青門。好

友疎停車啟戶意何如。

登驛路

迢遞州城接縣城。重經霜露轉東行。五年大夢人將老。
萬里關山月又明。駟路蕭條惟客況。征途跋涉爲歸程。
回家慢說林泉癖。晚歲驅馳別玉京。

重涇霜露雖歸心似箭跋涉忘
疲而過眼山河徒增悵惘耳。

入都門

爰書促客返京華。緩緩歸來曲徑斜。載路舟車消壯志。
沿途雨雪助離嗟。蕭蕭僕馬迷紅日。漠漠烟雲悵白沙。
歸去來集

三三

一入都門心已瘁。從今不復滯天涯。

雲裏帝城中。春樹故鄉殘。夢已熟。黃梁喜極思悲。
萬感紛至。直書顛末。聊寫衷腸。譎陋之譏。在所不計
也。

紀雲情

來去行藏衆口提。多緣諸友力培齊。雄關往返門何禁。
華岳迴环路不迷。鶴舞燕山雲外唳。猿依隴樹澗邊啼。
高情欲補渾無計。故倩酸詩卷內稽。

述歸計

半世浮生困俗塵。誰將青眼覲勞人。長安逐逐原非計。

陝右遲遲信有因。泛濫迷津從此渡。叮嚀苦海早抽身。
深山邃谷天涯外。負寺閒遊過晚春。

志林泉

不居城市不居田。古寺茅簷傍野泉。老去風塵能幾日。
春來水月度餘年。官場傀儡皆如夢。陌上吟哦就是仙。
策杖閒遊天外境。心情疑在五雲邊。

歸來感

癸巳十月十日到家

自去潭門五載哉。欣逢赦宥復歸來。平安幸獲蒼天佑。
情勢翻增舊主猜。餘怒直將仍請戍。微愆俯認就輕災。
歸去來集

言

三生石上前緣定。拭目搔頭百種哀。

余雖減徒尚有準其收贖在案先會稟明欲圖收贖
罪名無如中堂深疑人情太重是以餘怒不息余
捨重就輕從
徒天津迴避

出京拜墓

十一月初二日起天津路繞左安門外

敬謁先塋駭目心。回思往事淚沾襟。紙錢未有親人化。
祀事全無愧自深。補種幾行新樹茂。歸來五載舊台陰。
從今但得足跟穩。培土親身日日臨。

缺嗣憾

罔踏塵寰幾十春。捫心虛問感前因。三生石積絕緣債。

一世家傳斷孽萌。報德自慚根本滅。追宗孰謂性天真。
此情此語歸冥日。怎慰雙雙父母親。

赴津門

十一月初四日到
天津北關福聚店

風波未盡有餘殃。又赴津門別故鄉。好友栽培施妙術。
貴人書柬愧行藏。未來世事前因定。已去年華後果茫。
漫藉朱門長白晝。幸垂青眼沐恩光。

旅懷

客店無聊十
四日燈下

旅館無聊回憶嗟。情懷鬱鬱月痕斜。虛聲愧我叨名富。
底事依人度歲華。卅載光陰猶恹夢。一身泡影寄天涯。
歸去來集

姜

塵勞未了前生債。故踏迷津蕩落花。

育黎堂

十五日派
管堂子事

育黎堂在西門西。奉命前來思故栖。卽日榮滋沾雨露。
而今慰藉賴窮黎。辛酸已飽真堪羨。冷熱求康敢與齊。
跡阻津門情不禁。飄蓬行影倩詩題。

育黎堂係道署公項。育養窮黎之所有堂書二名。
每月領項數十金。辦理朝夕粥飯。派余照料一切。

余還京在路。曾接有穆蕙坡信中。寄有伊自幼

相依松相。致蜀中少長兄姪。失識備歷辛勤。

幸相聚認。其旅間耕讀。戶莫大焉。一切感懷。

嘆憾聚散追宗之詩數十首實令人不厭百
讀爰贈短章寄覆

意外歸來舊雨歡。誰知睽度小波瀾。佳章俊句連三復。
報德追宗賀大觀。此日神京留翰墨。當時化域繫征鞍。
羨君雅度雄才闊。竊欲追隨效步難。

一陽二十日。蕙坡自京寄到津門信中和律云。
何日能忘聚首歡。伊人秋水若河瀾。每瞻明月添愁緒。
但把新詩浣手觀。消息無人通曲巷。手神猶自隔豎壇。
誰知文旆過都下。咫尺緣堅促膝難。

歸去來集

三

雅客厭遊秦塞曲。芳踪又歷水雲鄉。陽回北陸鴻初返。
霧隱南山豹喜藏。到處和風春樂育。行看好景海蒼茫。
此時佳興應無價。日暖藍田玉有光。

冬月二十二日降雪

侵人霜雪倍淒涼。忽悟嚴寒在異鄉。靜裏烟霞獨自領。
個中滋味有誰嘗。重裘不暖屋梁窳。孤客難眠夢寐長。
室外風狂床榻冷。擁爐惟愛墨花香。

二十三日落馬

策馬趨公到北門。誰知庸驛腿無根。連身押倒石台上。

脛骨磕傷心絡昏。疼痛何嘗那一寸。蹉跎獨自淚長痕。
誰憐客舍淒涼苦。惹得回思警夢魂。

養傷

調養數日腿之傷。瘁減形容慚飢囊。半日長眠終日臥。
兩殮那供一殮強。陽關渺矣疑無路。鬼域居然似有方。
幾許魂消揮涕淚。會言病苦是他鄉。

自嘆

十二月
初二日

嗟余身似萍。屈指月餘零。蒙恩棲止處。俯仰溷如罇。淒
風橫片野。斗室苦無丁。重裘披不暖。殘燭似枯螢。有日
歸去來集

朋來約騎馬到署廳。誰知庸驛倒。押壞我石亭。等閒挪
不動。心絡昏復醒。養傷方數日。魂消欲歸冥。醒來纔半
夜。寒氣透跣櫚。會言他鄉苦。此話最堪聽。

三七

每欲書荒蕪。欲寫不能塗。提筆復格筆。提筆淚如酥。回
思我在世。深愧此世事。父母早先故。妻女隨罪途。爲人
難言苦。追宗一事無。恨我飄蓬運。浮沉事枉徒。自憐羈
異域。誰使背鄉孤。擬阮囊。蓋澁依劉事。莫圖未了前生
債。應知此世夫。寄語歸冥日。沉輪莫再吾。

臘月初三

僕人自京回堂子。接得家
信。正值余腿傷沉痾之際。

家書接到淚如酥。問僕速言好慰吾。歲序遷移情更切。
胸懷縈緒憾何夫。自慚剩有鬚眉在。分別難安妻女孤。
寄語親情同氣輩。孱軀從此病全無。

癸巳臘月二十六日立春

熙熙物象暖紆徐。流水行雲眼界虛。醉後不知經世險。
悟時方識讀書初。酸鹹以外無多嗜。廉白之間好自居。
苜蓿春回新雨露。塞雲引領意何如。

癸巳除夕日乞假

津門除夕冷。關外野風嚴。病起纔離榻。行艱步履淹。着
歸去來集

三

衣覺領大束帶似腰纖。徹夜眠難穩。連朝食畧甜。情懷
拋不去。煩悶却偏添。懶看宜春句。愁聞爆竹炎。呼僮衙
署去。報我病痾慳。到處全言禮。空懷無那瞻。流離消壯
志。順逆總憎嫌。何日歸籬下。茅簷得隱潛。

甲午元宵佳節

月魄盈盈挂碧空。元宵節令景豐隆。迢迢城市喧聲布。
夜夜金吾不禁紅。耳畔但聞寒漏永。眼前默對育黎叢。
挑燈兀坐呼僮僕。任爾遊瞻此處風。

全疴

二月二十五日全愈出門

日日東方燦赤輪。兼旬旅館不知春。人因病態形骸瘦。事未曾經耳目新。愈己身強見好友。湛然心豈畏風塵。從今行止均叨健。依舊平安趨步頻。

同家調寄江城子一闕

中和下澣腿全康。整行裝。繫故鄉。輕車返舍。曲徑照夕陽。一任沿途風雨宿。歸心似箭。徜徉。停驂啟戶慢登堂。妻傍得。女淚行。親旅相望。悲喜兩交傷。幾日匆匆情無盡。依舊旋赴蒼邊。

述形踪

余腿傷將愈。觀察李竹醉大人調廣東運使。

歸去來集

完

翹首飄篷兩袖風。誰料觀察調廣東。新恩未否能沾沐。舊雨曾聞逐隊叢。櫺下伏軀期伯樂。天涯失徑覓山翁。常聞白晝垂青眼。爲傍朱門寄厥躬。

接新任

新觀察允中王大人到任。仍派余管堂子事。

送舊接新促瘁躬。誰知畢竟一番空。時乖枉費良朋力。運塞徒辜旭日籠。總是瑕痕終有跡。頻招貴忌始無功。而今坐守期恩露。出躍羣黎踏軟紅。

城旦津門賦

城旦津門兮愧行藏。米新恩兮仍派司堂。辜惜兮白鐵。

逐月領兮六兩盈囊。赧顏兮倍淒涼。遭埋沒兮若鈍無剛。顛沛兮離鄉。漫養天真幻夢黃梁。嗟予陝右兩司倉。旋赴津門兩派堂。四任共司前後事。羞同知己話行藏。

守晨昏

樂志能將欲望收。無言兀坐幾神遊。窮通有數天先定。得喪何勞我預謀。落落因風隨所轉。寥寥逐日任緣浮。惟期雨露從空降。不許羣黎再挽留。

任危安

朱門漫賴任危安。追憶年來興自關。鬢爲慚身催作雪。歸去來集

早

心因補過煉成丹。平居不肯干人下。涉險方知處世難。奢態繁華風過耳。萬鐘何似日加飡。

暑夜苦蚊

溽暑炎氛氣若焚。苦蚊攻刺不堪云。行蹤宵小貪心嗜。肘背搔芒撲面勤。徹夜戈矛徹夜擾。幾番揮扇幾番薰。律來粉骨難償罪。斯世誰能爲解紛。

憎白蛉

蚊虫聒耳亂聲宣。更有白蛉逐隊前。撲臉撲頭吸膚肉。再三再四咬拳肩。多方利己貪無厭。一味傷人惡不悛。

朋比趨炎揮復至。長宵無寐不能眠。

設帳得眠

蚊蛤幾月咬難支。恨煞纔將紗帳施。始信絳綃真有驗。
果然肌膚自無欺。怪來到枕卽成夢。一去安眠就似痴。
莫道微虫不足畏。令人長羨謝元茲。

不寐

吟此律時頗覺心神不寧似有不測之兆後果應妹丈王樂亭故

中秋節近欲團圓。引惹連宵萬慮攢。客舍孤魂眠不得。
天涯落魄與全闌。半間室冷行吟處。一榻衾寒坐臥單。
時序淒涼成底事。羈身長此可難安。

歸去來集

里

津門甲午中秋

中秋今夜月光渾。多是西風大半吞。更與離人添寂悶。
推床擁被臥黃昏。

津門邀月月何渾。節令欺人恨自吞。妬煞飛廉多擾亂。
不憐明月愛黃昏。

聞恩詔

八月十二奏准十月十七日告祭十八日冊立 皇后十九日升殿受賀諒有

恩詔

正值羈身喚奈何。忽聞冊后有恩波。此番蕩盡瑕無玷。
歸隱臨池學換鵝。

甲午重陽日調寄江城子

津門九日戲琵琶。玩黃華。葉參差。踈籬淡淡嬌姿擁。群葩含香瘦影能迷月。任他搖落堪誇。客途雖好不如家。滯天涯。宿風沙。堪嘆今生身似繫匏瓜。安排歸里臨窻下。擁爐時弄墨花。

待資無聊調寄江城子

月之初六上恩施。連次支。苛太遲。因何濟人無益任行之。分肥況且無多日。不久鳳詔飛馳。幾日綸音催轉移。有歸期。還故基。寄言謀利切莫把名離。書內黃金真歸去來集

望

無已祖鞭速舉相宜。

每月道署領有六兩作火食之用。時值觀察公出月餘。走領四次。不發署中管賬。均係官親官友皆爲利。是徒故作詞投署以誚之。因是詞宮。姓官親氣。走後聞作縣宰。

復因詔苛逢迎太甚以成七律四首

依依困守待東風。役役津門遇魯宮。詔嗇奸貪人慕爾。光明正大汝何窮。澤恩六兩因何吝。苛扣三番自是矜。非我戲言幾誚爾。不教俗鄙咲英雄。

罔記詩書志不酬。侵貪蠅利日時搜。窮通有數天先定。義利分明爾未求。正路青雲懶進步。甘心白屋自遺羞。

寄言速把祖鞭舉。或有宮花插鬢頭。

如果宮花插鬢頭。逢迎詔嬪要全收。須當姓字標今古。莫與兒孫治馬牛。報國無私循德政。安民不苟惜清流。折腰信否歸鄉里。傲氣千秋史筆留。

片言聊訴句良箴。鎮日鑽謀是否侵。立品品成稱俊傑。讀書書內有黃金。拂鬚丁未形何厭。挂印淵明志自深。此處題詩留寄汝。貪婪滌盡換廉心。

蔦蘿苦苦附松生。松盛蘿纏隨幹行。凍雪覆松松健勁。蔦蘿頹敗顯枯榮。

歸去來集

三

細觀前律皆不可作宜刪去因自責之甚耳不因此作魯宮不舉祖鞭姑存

悶坐辭窮神

調寄漁家傲顛倒韻

記得髫年與你交。形影相隨似同胞。整十年別在西郊。志與運三十載通泰拔茅。追憶年來如塞茅。散步重逢在西郊。任憑你心似同胞。休來擾從此今世永絕交。

逐窮神上樹

以博一咲耳

窮神兩淚拋。被逐在西郊。今世不相見。來生永絕交。伴人嫌我瘦。趨富恨他嘲。世上無存處。權栖樹爲巢。

津門無聊卽事

跡寄三津神自飛。時人不見白雲圍。多因憐我離鄉苦。明月常邀一醉歸。

幽窓相對育黎邊。鎮日常隨動靜緣。訪友同心三五里。讀書放眼百千年。

冬月初四日
接家信問冊詔無赦
調寄臨江仙一闋

朝朝頻望詔書臨。信來此次無恩。潛然獨自淚沾襟。嗟
跂好憂悶。淒涼疾自深。尋思請假沐甘霖。就醫全賴除
根。得以安身葯石箴。災消除去患。守命待佳音。

調寄浪淘沙
請假通州就
醫觀察未允

歸去來集

留

請假就盧醫。觀察拘泥。悶瑣胸懷。今寸步難移。前生註
定今生事。顛沛復流離。

感調津門恨
此次冊立 皇后
恩詔爭救女犯

砌雪無消日。津門恨自頻。恩綸此次偏施女。處處殘花
普遇春。獨我身還滯。曲腸不得伸。何朝僥倖珠還浦。一
曲長歌返紫宸。

詔字起微字止恩
詔無赦迴文絕句
詔字起微字止恩
詔無赦迴文絕句
詔字起微字止恩
詔無赦迴文絕句

· 冬月二十三日感調月中行

去歲今朝落馬驚。鎮日長臥縱橫。今年冊詔赦無名。運限奈何爭。無聊兀坐卜君評。搜求預問歸程。恩赦重臨。喜兆迎。丙申夏盡可還京。

臘八日

甲午歲

好友差人送臘粥。百珍食得齒香浮。誰知孤館空塵事。作客渾忘臘八秋。

誌津門友誼

年來城旦在津門。多少良朋情意溫。助米貺柴叨慨悌。歸去來集

呈

投桃報李更彌純。披衿領契忘形締。傾蓋班荆莫逆敦。鎮日困蒙無白眼。謝酬何計刻銘存。

· 火會竹枝詞四首

天津常被回祿之災

津門回祿異尋常。火會從來勝此方。擊鼓鳴金施號令。紛紛齊至火場忙。

火會集齊四十八。苦人應愿無狡猾。聞鑼敢勇各爭先。兩次挪鞋有記察。

二分半裏領錢來。會首春秋綵燕開。又復家家征歛利。預防底事故天災。

曾道從中有一端。領錢斂利也來瞞。也拍汲桶明燈火。
不救飛灾阻路安。

黑牛城古蹟

訊及土人係肖太后所管之城名琉璃城唐時陷海

慢把津門古蹟論。關西南望黑牛村。平明曉霧潭光現。

遠透晴嵐城影存。渺渺女墻千樹裏。茫茫雉堞半雲屯。

豁眸一帶形無盡。說是唐時陷海痕。

· 腊月廿六日

芥園靜峯和尚送余水仙花調寄相見歡

津門歲暮藏身靜。峯真送得凌波仙子獨迎春。冷艷奇

芬。冰肌玉骨離塵。淡淡寒香隨放。遍結有緣人。

歸去來集

異

離塵山十韻
正花冷艷
母景

離字起塵字止咏水仙花迴文絕句

乙未新春
無聊即事

身寄羣黎所。神飛上九霄。遠村人不見。常被月相邀。

都中有信云

今歲應有太后萬壽恩赦之話

家報有恩波。不知是否訛。新春節未過。且唱莫愁歌。

長春大典報恩齋
長真慶施雨露慶

長字起春字止迴文絕句

新正三日痛感七律

因妹丈王樂亭於年前八月亡故今日方知

故親今至拜新年。話到驚心淚似泉。可憐慵僮無傳語。纔知妹丈已亡焉。孤孀那禁酸鹹苦。老小誰担日月肩。底事空懷無限恨。遙憐鎮日痛纏綿。

復悲短章廿四韻寄京中妹子

兄妹手足親。你我同胞腹。兄自踏塵寰。已知悞途路。志氣敢冲天。命薄多顛覆。本是同根生。憐汝孤孀苦。子幼未成人。姑老無餘粟。此非今世因。須悟前身夙。吾妹素知書。持家要敦睦。侍姑有賢聲。能使天心復。剪髮承親歡。斷機教子讀。勤儉數年間。子成轉福祿。片言要依聽。免使兄遠祝。涉筆罷詞時。嗚呼惟痛哭。

歸去來集

畧

二月廿三日回家感調相見歡

中和返舍離津。耳目新。覩得天涯遼濶帝城春。歸途似箭。妻女親旅淚頻。話勞勞夢匆匆。轉來寄此身。

情懷未止不禁復成一律

回憶家鄉骨肉親。縈懷心續頓無神。老妻身弱偏長病。幼女質純尙未姻。數口團圓明果証。一家離散感迷因。此情畢竟終遺恨。旋赴津門志不伸。

三月三日感懷

三月天光媚時逢上巳辰蘭亭遺舊跡洛邑有繁春筆賦崇山勝觴流曲水頻今朝修禊禊使我早離津

天津三月二十廿二等日

天后娘娘聖會調寄滿江紅一闕

津門勝會天后出巡技藝奇旛鼓重閣空中戲臺閣險敬繡球秧歌香火池鮮花鶴齡太少獅槓箱官兒在駱駝上息亂揚旌靈官立音樂施頂馬至巡風馳法鼓駕前集傘扇排移催生眼光神位寄子孫痘疹輦中儀天后聖母靈昭四極獻會齊

歸去來集

吳

首夏多風

祝融初應令首夏景猶和田野乏青影池塘少綠波狂風逐日過好雨盼人多帝澤乘時布農慶喜濕簑

乙未端陽日

調寄黃鸞兒

雄黃滿面塗兒童突艾虎符金盞流光泛菖蒲角黍惜乎汨羅遐途江遠難尋楚大夫寂寞兮撫景空祝載酒且盈壺

綸字起音字止欲轉家鄉迴文

包五月十二日回家

綸黃入探綸黃入探綸黃入探綸黃入探

乙未中元孟蘭會

散步閒行帶月看。津門水陸薦孟蘭。地官下降超冤苦。
獄鬼含生解脫安。寶蓋懸壇施法相。河登順岸逐狂瀾。
慈航普度迷津去。獨我羈身客景單。

中秋節

調寄西江月

乙未中秋清爽。飛身直上天台。廣庭雲靜幾徘徊。試看
蟾宮桂在。太白長歌佐酒。詩成珠玉驚咳。嫦娥捧斗月
隣。一片圓光可愛。

玩菊有感

歸去來集

晁

冷中菊花堪賞。閒情消遣時光。疎籬淡淡傲秋霜。能將
塵氛除蕩。畧施醫俗手掌。生新應換時妝。晚節留客戀
他鄉。頓惹離情惆悵。

九日登高

玉皇高閣接雲天。三岔河分水勢連。望海樓臺懸碧影。
帶河城市瑣塵烟。長堤順岸觀洋旅。古寺隨緣悟野禪。
此日登臨應有賦。題糕奚必遂前賢。

乙未小陽九日

友人薦訪來堂暢
調相見歡一闋

良友攜賓驀來。咲顏開。快晤分對春風度雅才。珠璣滿

腹相星數理盈懷。談儘紅日離骸。別去悶徘徊。

萬壽月十六日

夜月感懷

夜中不能寐。期杳杳無音。孤帷鑑明月。清風吹我衾。恨矣恩不遇。懷哉鬱悶沉。淚下如流霰。憂思獨傷心。

十九日接家信

聞刑部減等摺定於二十後奏調寄相見歡

十九家書到堂。心徬徨。讀畢知秋曹尚未呈章。仍需數日奏。祈雨露汪洋。能邀赦宥無疆。還里隱行藏。

十月十九日接信無減等之恩

並驚聞舊主於廿七日仙逝

信報全無赦宥章。又驚舊主已身亡。奔喪跡滯天涯遠。

歸去來集

五

繞夢魂歸客路長。愧受深恩何所報。恨遺屬纊未臨傍。謁靈歸里期恩露。涕淚瀾瀾潛落異鄉。

卽日奔喪進京

痛調蝶戀花一闕

一聞仙逝魄驚揚。痛淚徬徨。流離落異方。數載深恩何日忘。誰知棄養未親庠。速覓星軺奔靈堂。哭斷肝腸。惆悵轉津忙。聽候文行再還鄉。旋赴津門倍淒涼。

得幸恩門格外恩

中堂留有遺言命少主人喚回

無邊雨露蕩瑕痕。得幸恩門格外恩。五載韶華鞚陝右。兩年災難滿津門。頗嘗世味知酸辣。徧歷崎嶇警夢魂。

從此襟懷行不禁。安然樂志守晨昏。

辭羣黎

十一月十四日行文
達部奉諭先回家鄉

慰藉年來豈妬伊。今沾雨露欲分離。多因催我還鄉里。
故把羣黎且避辭。

別津歸里

此別津門路。神京是故鄉。鵬程千萬里。回首自徜徉。

· 還家歌

恩門蕩蕩施雨露。露及棘人應舉步。整行裝兮歸故廬。
神京城市依如故。車馬飛塵揚復揚。霎時轉入巷垣墻。
歸去來集

五

風光還似初時樣。閉門不改舊行藏。上扣門兮出老僕。
咲顏不住頻口祝。今日幸得轉家還。又問途中風雨宿。
恩門書柬月前有。行矣何所來乎後。予曰汝曹莫知由。
汝其俯聽予言否。汝不知年來津門無伴儔。落落都虧
友力周。又不知得幸還家餞不休。一應良朋亦須酬。予
乘車兮一夜馳。沿途風雨任所之。回來且不悲冷落。恰
是嚴寒三九時。僕聞斯言咲開口。忙卸行裝連邊走入
堂。妻女話不休。取得金釵沽美酒。

· 駐馬歌

三伏遷戍三九旋。流離顛沛整七年。七年間高車駟馬
日興錢。歸來時裘敝金傾興索然。人生行樂能幾天。君
不見春光荏苒如梭穿。若還世事洞明全。將老何能返
少年。總不如早回頭處免情牽。飄然遺世若長仙。

前蒙少主人遞呈喚回緣刑部大人批駁是以
於乙未臘月初六日旋赴津門宿北關外福
聚店有感

恩門信召轉回歡。誰想秋曹駁碍難。百日餘災仍返配。
三津旋赴我何單。長公賜柬恩波厚。院憲推烏露澤寬。
歸去來集

漫賴朱門無白眼。良朋青眼又重看。

重赴津門蒙中堂長公賜薦鍾鹽台處得遇

程步雲二兄索余詩稿卽蒙賜和一律云

津門萍水兩相歡。我輩才難品更難。松老暗藏千古秀。
梅寒看護一枝單。脩嘗險阻占謙吉。无妄災消頌法寬。
磊落襟懷賦歸去。事無不可寄人看。

次日蒙步雲二兄玉成關上卽口小詩感而誌

之

不幸之中何幸頻。沐恩深處派關津。步雲慢展回天力。

不使謫人染一塵。

無聊卽事

嘉平十日裏。差派大關津。沐恩無幾日。披賞十兩銀。俯首慚歲月。舉目望青頻。舊雨諄相問。新朋各琰塵。我有好旨酒。晏客饒新春。鎮日無多事。滿眼太平人。

津關奢態因偶吟之

津關鎮日鬧頻頻。多少梨園時樣新。顧影自憐還自憎。逢人宜喜不宜嗔。猜拳送睽情眞蜜。舍命從君意更親。斷袖攜肩金屋裏。怪來獨我不逢春。

歸去來集

五

丙申正月六日因邀諸友見此詩稿在案有楚帆揚四兄卽口賜和一律云。

津關作客句何頻。到眼繁華不認真。顧影任他增咲態。當筵違我不生嗔。從來今古會多載。如此清奇能幾人。怪煞白頭空愛月。無如塵世憎過春。

丙申人日有西堂蘭溪之幕友馬希堂先生索

余詩稿越日題贈二律云。

人生否泰是耶非。三十年來願已違。不有屈原遭放逐。那能元亮賦來歸。海內友朋情切切。關中雲樹望依依。

我今讀到辛酸處。白髮頻搔也淚揮。

其二

貫索辰高夜見明。星流駟馬赦書行。吉人自有天嘉護。
好景都從閱歷生。津淀知交欣聚首。家鄉咫尺在神京。
新詩合有江山助。歸去來兮三徑成。

余次希堂先生前韻

徵逐多年事已非。家園重復願全違。讀書燈下常忘寢。
飲酒花間不想歸。好句吟成惟自賞。梅花落盡有誰依。
閒來窻下臨前籬。送客分箋縱一揮。

歸去來集

五四

元宵節余過訪希堂先生。隨贈五律一首云、

雅意懷人至。高軒過小齋。春風生戶牖。玉屑洒庭堦。染
翰秦文古。敲詩杜律偕。烹茶談妙理。窻外夕陽佳。

次日請馬希堂先生小飲。並閱得五言六韻詩

稿。其題係詩思在灞橋風雪中驢背上、

詩思驢背上。踏雪灞橋東。擁轡敲新句。尋梅趁曉風。絮
鋪千嶺白。花孕一枝紅。放浪形骸外。行吟古道中。冲寒
擬貰飲。呵凍且書空。預卜明朝霽。斯遊興更濃。

余步前題

灞橋烟景裏。驢背意徘徊。岸柳如花墮。天花若絮開。縱橫銀世界。縹緲玉蓬萊。雲斷山岫路。風吹陌上堆。貪吟得句妙。戀賞竟忘回。踏雪詩思處。狂歌折一梅。

希堂先生袖有前賢舊題。係是谿西鷄齊啼。以

題爲韻。並限有一二三四五六七八九十百千萬兩雙半。共十六字。每句要用二字。不拘次序。余授領。勉湊二律。

長堤七里兩清谿。百刃函關半面西。跡阻三千朱履客。智驚一二錦毛鷄。六橋飛渡雙溪過。五夜鳴聞四境齊。歸去來集

五

八九行人隨卽動。程途十萬遍聽啼。

村庄十二傍寒谿。一半行人宿岸西。九轉思來百轉客。三更唱到五更鷄。雙扉未掩千家靜。兩巷鳴聞四境齊。六慾七情說不盡。愁腸八萬遍聽啼。

萬樹兩清谿。十家九住西。二三籬下叟。六七圃中鷄。五夜千峯靜。雙聲百合齊。八方與四面。一半盡皆啼。

正月二十日

驚悉宋瀛洲二兄於十七日仙逝。卽日告假回京。弔奠痛感一律。

聞信恍如空際雷。瀛洲果否去泉臺。眞驚心胆直悲瘁。幾斷肝腸幾痛哀。羈任津門情恨恨。轉還家舍意灰灰。

相逢多少關心話。地府可能暫放回。

情懷不止，復調西江月一首。

速覓星輶旋往。五夜奔轉淒涼。聚日無如別日長。轉眼
睽隔天壤。蘊結胸懷惆悵。纏綿心事徬徨。此日杯酒奠
泉堂。痛煞心神放蕩。

二十五日回津感而誌之

交遊誰識性情艱。並馬無人淚痛潛。弔罷泉台回首去。
淒涼無那赴津關。

余一到關上時，曾言四月成滿，至期不克結決。

歸去來集

五

難以赧顏守事，是以于四月二十一日交諭
回家，感調月中行。

清和念日暫辭行。收什旋轉神京。結決事搔首難成。運
限奈何爭。且避端陽徵逐情。不受披賞崢嶸。踏前言名
辱身輕。底事恨纏縈。

余到家，辦理遞呈留養，于五月十四日蒙刑部

史大人收呈交司查辦，准其收贖罪名，留養

祖母，于十五日，又逢減等恩赦，直隸罪犯，余

卽日回津，候文調寄清江引。

收贖呈遞欲還津。又逢恩赦臨身。文行無幾日。屈指兩
三辰。速赴津門待恨伸。

· 六月廿四日直隸文行到津感調太平時一闕
正值凝眸眼盼穿。貫索懸星流駟馬到津邊。赦文宣從
此還家喜欲顛。莫留連。收什行囊夜不眠。返古燕。

· 別友還家感調蝶戀花

津門重復事遲延。住連年。恩波重友誼綿。難忘義氣似
長川。致使謫人無沛顛。今日欲別情更牽。意拳拳轉家
園。寄寸箋。此別後會有奇緣。夜半無辭行去過。

歸去來集

七

· 登途回都進朝陽關關前失去袖衫又逢門上
需索稅錢調寄阮郎歸

星夜奔馳去轉旋。朝陽關在前。長衫失去短衣穿。胥吏
索稅錢。囊空無物憑誰倩。行程慢担延。幸逢香火舊日
緣。免稅我行過。

· 六月廿七日到家調寄相見歡

念七之日抵鄉。飛塵揚神京轉。眼霎時到門墻。停車啟
戶。姘童攜手成行。妻女迎我登堂。歡娛共舉觴。

· 七月十七日天津縣遞到減釋關文蒙寄到手

次日遞交苑平縣訖暢調醉太平

夷則十七關文到矣。玉痕蕩盡無瑕。風波從此止。胸懷
開起。覆盆破底。始信罔禁欺人。數載棘圍裏。

常有人索余篆書。因舊有燕京八景題余偶吟
之。其工拙不計也。

盧溝曉月

一帶盧溝碧。娟娟曉月明。長橋寒霧起。殘影逐人行。
玉泉垂虹

飛瀑流難盡。沙痕湧玉泉。垂虹天際外。縹緲挂長川。

歸去來集

五

太液秋風

御苑秋風爽。泉流太液池。迴環亭榭密。遊幸紀斯時。

瓊島春陰

春陰留上苑。瓊島錫嘉名。勒石垂千古。崢嶸數大清。

金臺夕照

勝事傳千古。斜陽照故臺。慢延天下士。留待濟時才。

西山積雪

西山無日照。積雪已成冰。飛雨疑如霰。披裘五月僧。

居庸疊翠

居庸何壯麗。峭壁倚崇關。曲徑通幽處。蓬萊路可攀。

薊門烟樹

野望蒼茫合。溟濛接遠村。薊門連塞路。烟樹若雲屯。

丙申七月回京仍復入宅當差以報往昔載覆

之恩自幸情長耳感調蝶戀花一闋

丙申夷則滌淨塵玉無痕思舊恩難忘念載溷育仁七年顛沛亦沾春都緣舊主往昔因不辭辛任家臣趨侍頻聿荷垂青感舍人三載驅馳意少伸

己亥歲八月間蒙桂公推荐四川將軍經主

歸去來集

五

人驛星照命復沐省外新恩感調月中行

己亥中秋運限強依栖玉樹分光蓉垣大帥整行裝去就意徬徨舊聞蜀道阻且長爲今計暫離鄉只爲飢寒兩字忙前路卜行藏

己亥八月廿日起身赴川過陝沿途古跡隨占小詩數首

涿州城外路悠悠遙見桓侯碑尙留古寺荒涼存舊趾

殘垣蔓草嘆何休過桓侯祠

湯陰瞻謁岳王宮亂世奸雄一旦空往事寃成三字獄

淒涼幾度弔孤忠過湯陰縣

何處籬東菊綻黃。行臨懷慶賞重陽。標名落帽揮前事。
策馬歎吟晚節香。懷慶府

鷄聲茅店露光華。峽石山頭最可誇。張茂嶺前逢宿雨。
青衫濕透夜眠沙。過峽石山張茂嶺

迢遞州城接縣城。陰連靈寶雨初晴。高關函谷通幽處。
十里山岐一徑行。靈寶縣

長途策馬過函關。遙望烟嵐態自閒。此景只應天上有。
下方還疑是人間。過函關

萬夫難敵是此關。半倚黃河半倚山。隘口重巖多險要。
歸去來集

秦川不禁路迴環。過潼關

華陰廟裏綠幽幽。周柏唐槐古跡留。亭榭樓臺多聳秀。
幾番瞻謁幾番遊。過華陰廟

九月廿一到陝廿四自陝西起身赴川

蜀道迢迢嶺嵯峨。山巒水瀑險如何。聲同牛吼層層浪。
勢若鰲翻滾滾波。洞裏人家齊向日。灣邊農圃半連坡。
每臨絕頂誰休息。豁目開懷策馬歌。

會記當年韓愈公。困逢秦嶺在其中。雲橫未知家何處。
雪擁前途路不通。過秦嶺

終南遙接路綿綿。絕頂真臨尺五天。鳳嶺碑懸文字古。
我今疑上五雲邊。過鳳嶺

柴關嶺過謁留侯。廟貌莊嚴幾度遊。紫栢山中堪辟穀。
保身明哲重千秋。謁張良廟

舊留名記馬鞍橋。廿四山頭路轉遙。上下驅馳人馬瘁。
幾番辛苦幾番消。過馬鞍橋山

昨夜雨阻馬鞍橋。今日鷄頭關路遙。澗水潺湲動詩興。
征人策馬費推敲。過鷄頭關

項王困漢舊踪留。白石山神運碧流。我到此間增信獻。
歸去來集

平安往復度鷄頭。過白石土地祠

十月十七日到蜀川。調寄西江月

誰道蜀川路險。沿途馬上安眠。征裝僕從去行邊。極目
烟景無邊。招惹推敲增興。搜索一路吟聯。小陽十七到
蓉垣。沐恩深處當先。

蓉垣帥府二堂後。牡丹池玉蘭花金銀桂海棠。
可謂真玉堂富貴。偶占絕句以誌之。

幕府森森雙桂留。飄香十里漫悠悠。慙慙折取一枝去。
咲插龍門士子頭。

層層木筆向空題。引惹春風醉欲迷。借與騷人曾畢賦。
香風漫散玉樓西。

海棠妖艷勝羣芳。絕世含情蜜蕊藏。細雨紛飛花欲醉。
暖風吹送滿庭香。

國色天香分外幽。牡丹風味自風流。雖然開在羣芳後。
合占花中第一籌。

蓉垣帥府桂雙陳。東落金花西落銀。亂墜紛紛如細霰。
飄香遠近散芳鄰。

庚子年四月間正值暎夷猖獗桀驁主人有志

歸去來集

空

殞廢寢之縈。因咏西江月四首呈覽思慮稍
息因以誌之。

萬事最宜看淡。先天造化生成。養心息氣性休征。自有
渾然一定。智者平平靜待。遇機捐體留名。忘殞廢寢罔
增縈。助疾傷身無用。

君子一生退省。身體隆重匪輕。必須養氣好施行。縈思
太過不應。世事自然一定。嗔怒淡泊能清。參透其中性
自平。寢食安常無病。

有典謨有訓誥。全在允執厥中。起居作事貴中庸。太過

不及無用。不遷怒不貳過。透徹渾然道理通。平肝益志
妙無窮。寬恕終身少病。

世事虛浮如戲。一似傀儡登場。君王卿相幾匆匆。依舊
原來模樣。譬夫奔馳跋涉。認真苦海無量。叅破機關身
自強。保合太和無恙。

庚子二十年四月間主人調任吉林將軍唱調

清江引

慢恃蓉垣我醉吟。主人調任吉林。文來無幾日。遲滯歲
餘深。駟馬星流行不禁。

歸去來集

奎

辛丑九月廿八日。自川起身赴京。調寄太平時
蜀川策馬望神京。賦還征。關山閣道路難行。動客情。歛
風冒雪計歸程。月再盈。險要經過歷蕩平。返故城。

十月初九日走廣元。神宣駟過十里老龍腰。洞
中有石燕。隨風起。止燒紅。栖水服。治心痛。極
靈。土人居爲奇貨。幕中張子儀先生口占五
律一首云、

十里洞天空。秦川一水通。山靈鍾秀氣。石燕舞狂風。飲
啄形真肖。參差羽亦同。浮沈休小視。濟世有奇功。

辛丑二十一年冬月三十日到京調寄阮郎歸

星夜奔馳到古燕。賢良寺裏眠。主人鎮日近天顏。匆匆幾度連。又值舊主母殯天。痛哭在靈前。家園碌碌不能

旋。復著祖生鞭。

托主人太太壽八十一故

辛丑臘月十三日自京起身前赴吉林

在京十三天

一自旋京後。匆匆赴吉林。漸看風景異。默計歲華深。策馬塵迎面。停驂雨透襟。嚴冰不易度。晴雪最難禁。茅店何堪宿。荒村不可吟。舊聞長白地。有寶是人參。

正月十八日到省接印任事以誌之耳

歸去來集

禽

吉林連海隅。大帥歷風塵。幕府英華廢。節堂瓦礫陳。風俗粗鄙慣。習氣狠貪頻。靡事不棘手。撫循大費神。

二月二十二連朝大雪四尺餘深詢及土人亦不常有賦以誌之

清樽酬瑞雪。連日景偏饒。俗士尋常賞。詩人著意描。憑空張白戰。如湧下青霄。寒重盈堦積。風迴弄影飄。分明留指爪。依舊碎瓊瑤。盛世昭奇瑞。題詩紀聖堯。

吉林風俗較別省不同。偶調滿江紅一闕以誌

之

長白風景。三月家家仍披裘。深秋九月瑞雪酬。冬狩春蒐。披甲征遙喜更悠。屯丁翻爲歲豐愁。生員誤筆訟土紛謀。孀婦優。賊虜舟。扒犁牛。烟窟塔。柴架樓。器具刺兒。椒盤醬無油。地炕可容三日火。篷門婦女掛貂球。搶來孀居說是好迷女無羞。

癸卯二十三年二月間署中無事因袖此本請

張子儀先生正之蒙增以絕句六首云

執政朱門廿四年。孤忠遭忌已堪憐。偶興土木翻成禍。似此幾疑造物偏。

歸去來集

卷

避嫌家宰成家臣。三輔津門滯七春。不遇顛危名不立。天教城旦顯詩人。

丈夫四海可爲家。况復知交遍海涯。才大那愁居不易。門前長者盡停車。

雲開依舊月光明。暢敘京華骨肉情。良驥又欣逢伯樂。巴山長白更留名。

一卷琅函數百章。編年紀日記行藏。若非脩歷冰霜苦。那得流傳翰墨香。

我亦依人二十年。塗鴉縱酒咲張顛。功名小就無人識。

何幸題詞附驥傳。

癸卯清明後張子儀先生占開江卽景迴文四十字

清明更信宿。天江闊解冰。萌新發枯菱。雨潤復烟凝。

○子儀先生題讚迴文句

流霞舉昂詩

連環迴文四

言贊

燕名流。器格軒墨。淵源。

北。元。渾妙翰。上字。

門。高。寄食。妙漢。秦。

北字起門字止
門字起北字止
器字起元字止
元字起器字止
迴環詞四首、

歸去來集

六六

步子儀先生迴文連環讚式四首

如。何。慙。詩。詞。淺。

燕俗士。器小。鼠。墨。薄。

北。優。弱。力。淡。翰。字。

加。譜。評。書。深。欠。學。

北字起優字止
優字起北字止
器字起弱字止
弱字起器字止
迴文連環四字
句四首勉和之
不計乎工拙

癸卯清明後占長白風景歌一調

長白松江發祥地。地方風氣迥奇異。土城三面四尺高。

南倚長江終不易。俗呼船廠卽鷄林。東西北面五門記。

八站兼程至瀋陽。五屬統轄是舊治。將軍操勞都統道。

遙十旂表率。四司分曹旂民交涉。商賈滔滔。官場貪鄙。
寃獄呼號。其爲時令。乍陰乍陽。夏多風雨。冬雪霜。小巷
泥壅大街。賍木道通長。水拖板。爲緣春際。是翻漿。街市
水成灘。泥滓放步難。直待三冬日。寒封地纔乾。最可恨
江邊糞。溺水流渾。飲食之間難。細論日暮。不分男女浴。
砧聲一片若雲屯。曾經得清明。立夏雪霜饒。祭過龍潭。
是換季的朝。通省職官多竊位。生員字訛宗室驕。風氣
相沿。積習難道。三四品官不堂煌。愛娶寡婦作二房。十
家九有從良婦。不分大小各呼娘。人人鹿皮巴圖魯。坎
歸去來集

卷

各各卧兔帽兒搭撒。腰束皮廷帶。足下着烏拉。賀弔往
來毡帽換則草笠安貂。當差衙門一色。各司堂上無挑。
差派未倫不去。得錢賄縱常包。圍場樹木是我的柴。禁
山禽獸憑我嗜。謀士紛紛樂訟災。棍徒娼賭無迴避。閒
來說話叫扯蘭。披甲台丁多荒地。君不見三秋九月雪
花浮。童謠口號唱不休。又說是此處清官不長久。富貴
將來不到頭。樹無根。水逆流。下晴雪。扒犁牛。烏拉草。賊
艘舟。烟窻高似塔。柴架積如樓。裝奩器具刺兒楸。五兩
中定叫古叟。地炕長容三日火。家家戶戶賽枕頭。搶來

嬌居說是好逑。情意優。女無羞。

閨記吉林女客唱長短謠一闋

太陽膏帖左右。梳長頭滿街。小烟荷苞胸坎上扣。鴉片烟兒偷着抽。廣交四鄰不。接盟拜叟認舅。不識包門算。是丟醜風俗由來最久。

包門者發商也。

射鵲西江月一首

女史蘇亞蘭
作余喜錄之

射貴形端志正。寬福下氣舒胸。五平三靠是真宗。立足千斤之重。開要安詳大雅。放須停頓從容。後拳鳳眼最宜豐。穩滿方能得中。

歸去來

楊妃妙舞

曲按霓裳舞翠盤。滿身香汗悵衣單。凌波步小蓮三寸。傾國嬌花貌一團。楊柳欲眠風不定。海棠無力露初乾。風流自古迷心目。莫怪三郎倚醉看。

撲蝶

粉蝶狂從陌上回。罷粧人對意徘徊。亂搗紅袖驚花落。誤觸薔薇刺鬢開。珠汗細流新粉面。蓮弓碎印嫩蒼苔。紛紛飛向墻東去。無語凝眸待復來。

踢球

容日妙舞形

如句欲化

蹴鞠當場二月天。香風吹下兩嬋娟。汗沾粉面花含露。
塵拂蛾眉柳帶烟。翠袖低垂籠玉笋。紅裙拽起露金蓮。
幾回踢罷嬌無力。恨煞長才美少年。

燒香

三寸弓鞋步翠苔。想應天竺蕙香來。眸凝秋水波初動。
合掌金蓮花未開。腰細謾搖春日柳。臉紅猶帶雪天梅。
不知暗祝緣何事。斜把金釵撥冷灰。

風箏

製成妙品儼嬋娟。斜抱琵琶入暮烟。端正恍疑來月下。
歸去來集
娉婷祇合住雲邊。剛逢夕照渾如畫。得受東風便欲仙。
應是蟾宮諸女伴。相邀同上大羅天。

雪彌勒

天花原是佛前身。好事雕鏤面目真。未佈黃金鋪地坐。
也垂白眼顧清貧。乍將色相紅塵現。不戀繁華黍谷春。
放大光明惟一咲。茫茫誰悟去來因。

雪獅子

白超馴伏勢何雄。人巧真能奪化工。豈必吼聲搏猛象。
已能鬻氣佈育熊。豺狼近已歸淳化。牙爪何須尙擊攻。

端應無爲還淨土。驚人威在不鳴中。

以上七律係雲門外史前作之句錄以誌之

此花香最長
 石亭句、余
 止字香起字花

花前
 花子儀句
 止字前起字花

先
 石亭答
 止字生起字先

逢長至
 占冬至
 句一首
 止字逢起字時

天
 占法門
 句一首
 止字天起字西

香
 占香泉
 句一首
 止字香起字香

歸去來集

七

子儀先生接
 麻迴文句

云
 云
 云

張子儀先生去

泉流長白巔

幕
 繞遊

蜀八千里離家

源峯

繞遊

十七月幕府岑

湖亂

雲山遠地隔

寂獨酌無聊占

江雲

烟思

織錦迴文五七

天際高山連

漠君

言絕句各一首

五言迴文天
 字起止

雲
 雲

雲字漢字起止

毘陵張子儀先生述及四川梁山縣正堂因地

方缺少文風捐建寶塔一座塔門刊對只作

怡對

半聯云四面玲瓏普照東西南北其下聯未

能對卽懸獎銀五十金如有人對上送之後

有一星士對曰一支鐵筆刪成禹夏商周攜

銀而去竟刊成下聯予謂子儀曰可惜所對

不甚恰予少思之對曰可否用千層錦綉常

垂春夏秋冬子儀鼓掌曰較星士之對又恰

矣

古有絕對一聯曰烟鎖池塘柳仍欲以五行之傍對之予素愛思

索正值辛丑歲嘆夷猖獗桀驁之時卽借典用以

歸去來集

圭

係實事有形今之事爲後來之典故仍係火金水土未傍對之以待當世高明正之

雪壓半盧家家庭獻玉堂春

再有古對一聯曰月照紗窗個個孔明諸葛亮予對之

曰山逢洪水處處林冲抱子頭水浸金山又有一對云雪地犬追

鷄步步梅花竹葉予對之曰風天琴和瑟聲聲燕語鶯

啼

又有一對云戲乃半邊虛無非虛戈而已予對之曰鳳

雖上節凡豈是凡鳥也與

又有一對云猫卧牆頭風吹毛動猫不動子儀先生對

曰蛤流江面浪打壳翻蛤亦翻。

癸卯五月二十三日酉刻吉林帥府前怪風大作播瓦損樹其江邊樓房掀去半節詢之士人數十年未經此風恐有災殃之兆是夜丑時大火自西燒來更兼西風大作其殃不可勝述因是以誌之耳。

昌熾乎急哉突然火起自西方片時奔騰客驚荒西風吹面火光揚火光直向半天翔一片光茫東西南北面輝煌四圍遠望難隄防風颼颼火勢狂縱橫三街盡遭歸去來集

三

殃俄頃焚却百千房。但看狂風起火勢。火勢仗風強。大帥督催祝彼蒼。風頭陡轉禍成祥。府傍北面舞烟狼。不斷飛空火焰颼。幸免府署兩無傷。匆匆一夜忙。次朝午刻暫平康。昌熾乎急哉。大火自西方。

1
200

